

INUIT ATAQATIGIIT

INATSISARTUNI



Nuuk, 11.03.2014

Inatsisartut Suleriaasianni § 37 naapertorlugu Naalackersuisunut imaattumik apeqquteqarpunga.

(Inatsisartuni ilaasortaq Juliane Henningsen, Inuit Ataqatigiit)

Apeqqut:

Nunani allani ilinniartuusut kommunit ulluunerani paaqqinnittarfiutaanni allatsittalersinnaaqullugit Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 16, 3. december 2012-meersumut allannguutissatut siunnersuusiornisamik Naalackersuisut pilersaaruteqarnerlutik?

Tunngavilersuut:

Ilinniagaqareernerup kingorna Kalaallit Nunatsinnut uternissaq pilerinartuusariaqarpoq, iliuuserisinnaasattalu ilagivaat ilinniagaqartortatta uternissaat ajornannginnerulersinniarlugu ilaqutariit meerartallit ilinniarnermi nalaanni imaluunniit ilinniarnerminnik naammassinninnermi kingorna Nunatsinnut uternissaat oqilisaaffiginiarlugu inatsisitigut periarfissarsiuussinissaq. Taamaasiussagaanni perorsaanikkut inerikkiartuutaasunik ulluunerani neqerooruteqartarneq pillugu inatsimmik allannguinnissaq ilassuteqarnissarluunniit pisariaqarpoq.

Ajornartorsiut matumani qaqqinneqartoq Ilinniagaqartut kattuffiinit arlaleriaqaluni saqqummiunneqartareerpoq. Taamaattumik ilinniartut Nunatsinnut angerlartinnagit, taakku qitor-naasa siunissami kommunit ulluunerani paaqqinnittarfiutaanni allatsittalersinnaaqullugit Naalackersuisut inatsimmik allannguutissamik siunnersuuteqassamaarnersut paaserusuppara.

Puigussanngilarpummi inunnik isumalluutivut nunani allaniittut pingaaruteqarmata! Ilinniagaqarnermikkut, kisiannili aamma inuttut isumalluutunik pigisaqarput Kalaallit Nunaata ujariagisaanik.